

書名 陽明先生文錄五卷外集九卷別錄十卷 嘉靖十五年序刊本
 撰者 明 王守仁 撰
 卷 卷一
 內容分類 集-別集-明中葉
 索書號 大木-集部-別集類-58
 編號 D7431400

卷一



彩色首頁1

東洋文化研究所漢籍目錄 編號: D7431400
 東洋文化研究所漢籍目錄所藏漢籍善本文影像資料庫 索書號: 大木-集部-別集類-58
 漢籍善本文影像資料庫 陽明先生文錄五卷外集九卷別錄十卷 嘉靖十五年序刊本

版權所有: 東京大學 東洋文化研究所
 使用上の注意事項

陽明先生文錄卷之一

始正德已
 巳至與辰

與辰中諸生 巳巳

以爲喜又遽爾別去極怏怏也絕學之餘求道者少
 兩年無可與語者歸途乃得諸友何幸何幸方
 庶幾楚最易搖奪自非豪傑鮮有卓然不變者諸
 砥礪夾持務期有成近世士夫亦有稍知求
 德未成而先揭標榜以來世俗之謗是
 無立反爲斯道之梗也友宜以是爲鑒
 務於切已處着實用功當在寺中所云靜



請求記号


大木-集部-別集類-58



書名

陽明先生文録五卷外集九卷別録
十卷 嘉靖十五年序刊本

6/10 ~ 10/10



MS. A. 1. 1. 1.

陽明先生別錄卷之一

表疏一

陳言邊務疏

弘治十二年

邇者竊見皇上以彗星之變警戒修省又以虜寇猖獗命將出師宵旰憂勤不遑寧處此誠聖主遇災能警臨事而懼之盛心也當茲多故主憂臣辱孰敢愛其死况有一二之見而恐不以上聞耶臣愚以為今之大患在於為大臣者外託慎重老成之名而內為固祿希冀之計為左右者內挾交蟠蔽壅之資而外肆招搖納賄之惡習以成俗互相為好憂世

者謂之迂狂違言者曰以洋燥沮抑正大剛直之氣而養成怯懦因循之風故其妻徒類將至于不可支持而不自覺今幸上天仁愛適有邊陲之患是憂慮警省易駭改轍之機也此在陛下必宜自有所以痛革弊源懲艾而振作之者矣新進小臣何敢僭聞其事以干出位之誅至於軍情之利害事機之得失苟有所見是固芻蕘之所可進卒伍之所得言者也臣亦何爲而不可之有雖其所陳未必盡合時論然私心竊以爲必宜如此則又不可以苟避乖刺而遂已於言也謹陳便宜八事以備採擇一曰蓄材以

備急二曰舍短以用長三曰簡師以省費四曰屯田以足食五曰行法以振威六曰敷恩以激怒七曰捐小以全大八曰嚴守以乘弊何謂蓄材以備急臣惟將者三軍之所恃以動得其人則克以勝非其人則敗以亡其可以不豫蓄哉今者邊方小寇曾未足辱偏裨而朝廷會議推舉固已倉皇失措不得已而思其次一二人之外曾無可以繼之者矣如是而求其克敵致勝其將何恃而能乎夫以南宋之偏安猶且宗澤岳飛韓世忠劉錡之徒以爲之將李綱之徒以爲之相尚不能止金人之衝突今以一統之大求

其任事如數子者會不見有一人萬如虜寇長驅而
入不知陛下之臣孰可使以禦之若之何其猶不
寒心而旦圖之也臣愚以為今之武舉僅可以得騎
射搏擊之士而不足以收韜畧統馭之才今公侯之
家雖有教讀之設不迨虛應故事而實無所裨益誠
使公侯之子皆聚之一所擇文武兼濟之才如今之
提學之職者一人以教育之習之以書史騎射授之
以韜畧謀猷又於武學生之內歲升其超異者於此
使之相與磨礪砥礪日稽月考別其才否比年而校
試二年而選舉至於兵部自尚書以下其兩侍郎更

之每歲更迭巡邊於科道部屬之內擇其通變特達
者二三人以從因使之得以周知道里之遠近邊關
之要害虜情之虛實事勢之緩急無不深諳熟察於
平日則一旦有急所以遙度而往蒞之者不慮無其
人矣孟軻有云苟為不畜終身不得臣願自今畜之
也何謂全短以用長臣惟人之才能自其聖賢有所
長必有所短有所明必有所蔽而人之才情亦必有
所懲於前而有所警於后吳之殺婁之人也而稱
名將陳平受金公大夫也而為謀三官被囚而楚霸
王孟明三壯而成功秦之所以起戰而敗之者何

如三故曰國人之仁去其貪而人之智去其詐用人之勇去其怒而人之力去其勞卒戰難之際而必欲拘於規矩繩墨之末而不知其必不為矣臣嘗聞諸道路之言曰曩者漢魏諸士以軍勇強國者多以過六罪名擯棄於閑散之地夫有過六罪及其在平居無一事不可使處於人上至於今日之多事則彼之驍勇強悍亦誠有足用也且彼積屯之久必且悔艾前非以思奮勵今誠安以數千之衆使得立功自贖彼又素熟於邊事加之以積慣之餘其與不習地利志圖保守者功宜相遠矣古人有言使功不如使過是所謂

使過也何謂簡師以省費臣聞之兵法曰日費千金然後十萬之師舉夫古之善用兵者取用於國因糧於敵猶且日費千金今以中國而禦夷虜非漕輓則無粟非征輸則無財是固不可以言因糧於敵矣然則今日之師可以輕出乎臣以公差在外甫歸旬日遙聞出師竊以爲不必然者何則北地多寒今炎暑漸熾虜性不耐我得其時一也虜恃弓矢今大雨時行筋膠解弛二也虜逐水草以爲居射生畜爲食今已蜂屯兩月邊草始盡野無所獵三也以臣料之官軍甫至虜迹遁矣夫兵固有先擊而後實者今師旅

既行言已無及。有謂師一事。可以省虛費而得實用。夫兵貴精不貴多。而諸將密於萬人之內。取精健足用者三分之一。而皆歸之京師。萬人之聲既揚矣。密歸京師。則不知也。是萬人之威猶在也。而其實又可以省無窮之費。豈不為兩便哉。况今官軍之出戰。則退後功則爭先。亦非邊將之所喜。彼之請兵。徒以事之不濟。則責有所分焉耳。今誠於邊塞之卒。以其所以養京軍者而養之。以其所以賞京軍者而賞之。旬日之間。數萬之衆可立募於帳下。奚必自京而出哉。何謂屯田。以給食。臣惟兵以食為主。無食是無兵也。邊關轉輸水陸千里。踣頓捐棄十而致一。故兵法曰。國之貧於師者。遠輸遠輸。則百姓貧。近師貴賣。貴賣則百姓財竭。此之謂也。今之軍官。既不堪戰陣。又使無事坐食。以益邊。因是與敵為謀也。三邊之戍。方以戰守不暇。耕農誠使京軍分屯其地。給種授器。待其秋成。使之各食其力。寇至則授甲歸屯。還為聲勢。以相掎角。寇去仍復其業。因以其暇繕完虜所折毀邊牆亭堡。以遏衝突。如此。雖未能盡給塞下之食。亦可以少息輸餽矣。此誠持久俟時之道。王師出於萬全之策。策也。何謂行法以振威。

臣聞李光弼之代子儀也張用濟斬於轅門秩膏之
至廣南也陳曙戮於戲下是以皆能振疲散之卒而
摧方強之虜今邊臣之失機者徃徃以計倖脫朝喪
師於東陲暮調守於西鄙罰無所加兵因縱弛如此
則是 陛下不惟不寘之罪而復爲曲全之地也彼
亦何憚而致其死力哉夫法之不行自上犯之也今
總兵官之頭目動以一二百計彼其誠以武勇而收
錄之也則亦何不可之有然而此輩非勢家之子弟
即豪門之貴緣皆以權力而強委之也彼且需求刻
剝騷擾道路仗勢以奪功無勞而冒賞懈戰士之心

興邊戎之怨爲總兵者且復資其權力以相後先其
委之也敢以不受乎其受之也其肯以不庇乎苟戾
於法又敢斬之以殉乎是將軍之威固已因此輩而
索然矣其又何以臨師服衆哉臣願 陛下手勅提
督等官發令之日即以先所喪師者斬于轅門以正
軍法而所謂頭目之屬悉皆禁令發回毋使瀆擾侵
冒以撓將權則士卒奮勵軍威振肅克敵制勝皆原
於此不然雖有百萬之衆徒以虛國勞民而亦無所
用之也何謂敷恩以激怒且聞殺敵者怒也今師方
失利士氣消沮三邊之戍其死亡者非其父母子弟

則其宗族親戚也今誠撫其瘡痍問其疾苦恤其孤寡振其空乏其死者皆無怨尤則生者自宜感動然後簡其強壯宜以國恩喻以虜讐明以天倫激以大義懸賞以鼓其勇暴惡以深其怒痛心疾首日夜淬礪務與之俱殺父兄之讐以報朝廷之德則我之兵勢日張士氣日奮而區區醜虜有不足破者矣何謂捐小以全大臣聞之兵法曰將欲取之必固與之又曰佯北勿從餌兵勿食皆捐小全大之謂也今虜勢方張我若按兵不動彼必出銳以挑戰挑戰不已則必設詐以致師或捐棄牛馬而偽逃或揜匿精

悍以示弱或許潰而埋伏或潛軍而請和是皆誘之以利也信而從之則墮其計矣然今邊關守帥人各有心虜情虛實事難卒辨當其挑誘之時畜而不應未免小有剽掠之虞一以為當救一以為可邀從之則必陷於危亡之地不從則又懼於坐視之誅此王師之所以奔逐疲勞捐天威重而醜虜之所以得志也今若恣其操縱許以便宜其縱之也不以其坐視其捐之也不以為失機養威蓄憤惟欲責以大成而小小挫失皆置不問則我師常逸而兵威無損此誠勝敗存亡之機也何謂嚴守以乘弊臣聞古之善戰

者先為不可勝以待敵之可也蓋中國工於自守而
 胡虜長於野戰今邊不新破虜勢方劇若復與之交
 戰是投其所長而以勝于敵也而中計惟宜嬰城
 固守遠斥候以防奸勤間諜以遠虜熟訓練以用長
 嚴號令以肅惰而又頻加犒享使皆自力養銳臂之
 積水俟其盈滿充溢而後乘怒急入之則其勢并力
 驟至於崩山漂石而未已昔李牧守邊日以牛酒享
 士士皆樂為一戰而牧屢抑止之云其不可禁遏而
 始奮威并出若不得已而後從之是以一戰而破強
 胡今我食既足我威既盛我怒既深我師既逸我守

既堅我氣既銳則是周悉萬全而所謂不可勝者既
 在於我矣由是我足則虜日以匱我盛則虜日以衰
 我怒則虜日以曲我逸則虜日以勞我堅則虜日以
 虛我銳則虜日以鈍衆情較計必將疲罷奔逃然後
 用奇設伏悉師振旅出其所不趨趨其所不意迎邀
 夾攻首尾橫擊是乃以足當匱以盛敵衰以怒加曲
 以逸擊勞以堅破虛以銳攻鈍所謂勝於萬全立於
 不敗之地而不失敵之敗者也右臣所陳非有奇特
 出人之見固皆兵家之常談今之為將者之所共見
 也但今邊關將帥雖以知之而不能行類皆視為常

談漫不加省勢有所
則爲因循苟且是以
忽其微乞 勅兵部
等官即爲斟酌施行
庶於軍機必有少補
臣原籍浙江紹興府
進士弘治十二年六月
奉 命前往直隸淮
安等府會同各該巡
按御史審
決重囚已行遵奉
奏報外切緣臣自去歲三月忽

乞養病疏

十五年八月時
刑部主事

國倦倦之至

臣原籍浙江紹興府
進士弘治十二年六月
奉 命前往直隸淮
安等府會同各該巡
按御史審
決重囚已行遵奉
奏報外切緣臣自去歲三月忽

患虛弱咳嗽之疾劑灸交攻入秋稍愈遽欲謝去藥
石醫師不可以爲病根既植當復萌芽勉強服飲頗
亦臻效及奉 命南行漸益平復遂以爲無復他慮
竟廢警言捐棄藥餌衝冒風寒恬無顧忌內耗外侵
舊患仍作及事竣北上行至揚州轉增煩熱遷延三
月疴羸日甚心雖戀 闕勢不能前追誦醫言則既
晚矣先民有二忠言逆耳利於行良藥苦口利於病
臣之致此則是不信醫者逆耳之言而畏難言口之
藥之過也今雖悔之其可能乎臣言惟田野空虛粗
通章句遭遇 聖明竊祿部署未效答於涓埃懼遂

填於溝壑螻蟻之私期得暫離職任投養幽閑苟全
餘生度申初志伏望 聖恩垂憫乞 勅吏部容
暫歸原籍就醫調治病痊之日仍赴前項衙門辦事
以圖補報臣不勝迫切願望之至

乞

宥言官去權姦以章

聖德疏

正德元年時官

兵部

臣聞君仁則臣直大舜之所以能隱惡而揚善
也臣邇者竊見 陛下以南京戶科給事中戴銑等
上言時事特 勅錦衣衛差官校拿解赴京臣不知
所言之當理與否意其間必有觸冒忌諱上十雷霆

之怒者但以銑等職居諫司以言為責其言而善自
宜嘉納施行如其未善亦宜包容隱覆以開忠諫之
路乃今赫然下令遠事拘囚在 陛下之心不過少
示懲創使其後日不敢輕率妄有論列非果有意怒
絕之也下民無知妄生疑懼臣切惜之今在廷之臣
莫不以此舉為非宜然而莫敢為 陛下言者豈其
無憂國愛君之心哉懼 陛下復以罪銑等者罪之
則非惟無補於國事而徒足以增 陛下之過舉耳
然則自是而後雖有上關 宗社危疑不制之事
陛下孰從而聞之 陛下聰明超絕苟念及此寧不

寒心况今天時凍沍萬一差去官校督東過嚴銑等
在道或致失所遂填溝壑使陛下有殺諫臣之名
與羣臣紛紛之議其時陛下必將追咎左右莫有
言者則既晚矣伏願陛下追收前旨使銑等仍舊
供職擴太公無我之仁明改過不吝之勇聖德昭
布遠邇人民胥悅豈不休哉臣又惟君者元首也臣
者耳目手足也陛下思耳目之不可使壅塞手足
之不可使痿痺必將側然而有所不忍臣承乏下僚
僭言實罪伏覩陛下明旨有政事得失許諸人直
言無隱之條故敢昧死爲陛下言伏惟俯垂宥

察不勝干冒戰慄之至

自劾乞休疏

十年時官
鴻臚寺卿

臣由弘治十二年進士歷任今職蓋叨位竊祿十有
六年中間鰥曠之罪多矣邇者朝廷舉考察之典
揀汰群僚臣反顧內省點檢其平日正令擯廢之列
雖以階資稍崇偶幸漏網然其不職之罪臣自知之
不敢重以欺陛下况其氣體素弱近年以來疾病
交攻非獨才之不堪亦且力有不任夫幸人之不知
而鼠竄苟免臣之所甚耻也淑慝混淆使勸懲之典
不明臣之所甚懼也伏惟陛下明燭其罪以之爲

顯罰使天下曉然知不自者之不得以佳免臣之願
死且不特者使末末歸臣里使得自帶於乞休之
末臣之大幸亦使天下知臣不勝惶恐待罪之至

乞養為疏

八

頃者臣以 朝廷舉行考察自陳不職之狀席藁待
罪其時臣病已作然不敢以疾請者人臣鯨曠廢職
自且擯逐以彰 國法疾非所言矣 陛下寬恩曲
成留使供職臣雖其頑亦寧不知感激自奮及其壯
齒陳力就列少效犬馬然臣病侵氣弱力不能從其
心臣自往歲投竄荒夷往來道路前後五載蒙犯瘴

霧魑魅之與游蠱毒之與處其時雖未即死而病勢
因仍漸肌入骨日以深積後值 聖恩汪濊掩瑕納
垢復玷清班收斂精魂旋回光澤其實內病潛滋外
強中稿頃來南都寒暑失節病遂大作且臣自幼失
母鞠於祖母今年九十有六耄甚不可迎侍日夜
望臣一歸為訣臣之疾痛抱此苦懷萬無生理 陛
下至仁天恩復惟恐一物不遂其生伏乞放臣暫回田
里就醫調治使得日見祖母之終臣雖殞越下土未
啣犬馬難盡之思倘得因是苟延殘喘復為完人臣
齒未甚衰身猶有圖効之日臣不勝懇切願望之至

臣自少時以來切見道路流傳之言以爲陛下遣使外夷遠迎佛教群臣紛紛進諫皆斥而不納臣始聞不信既知其實然獨竊喜幸以爲此乃陛下聖智之開明善端之萌葉群臣之諫雖亦出於忠愛至情然而未能推原陛下此念之所從起是乃爲善之端作聖之本正當將順擴充遡流求原而乃徂於世儒崇正之說徒爾紛爭力沮宜乎陛下之有所拂而不受忽而不省矣愚臣之見獨異於是乃惟恐陛下好佛之心有所未至耳誠使陛下好佛

之心果已真切懇至不徒好其名而必務得其實不但好其末而必務求其本則堯舜之聖可至三代之盛可復矣豈非天下之幸宗社之福哉臣請爲陛下言其好佛之實陛下聰明聖知昔者青宮固已播傳四海即位以來偶值多故未暇盡求五帝王神聖之道雖或時御經筵儒臣進說不日襲故事就文敷衍立談之間豈能遠有所照陛下聽之以爲聖賢之道不過如此則亦有何可移志於騎射之能縱心於遊觀之樂蓋亦無所用其聰明施其才力而偶託寄於此陛下聰明豈固遂

安於是而不知此等皆無益有損之事也哉曩遂困
憊之餘夜氣清明之際固將厭倦日生悔悟日切而
左右前後又莫有以神聖之道為陛下言者故遂
遠思西方佛氏之教以為其道能使人清心絕欲求
全性命以出離生死又能慈悲普愛濟度群生去其
苦惱而躋之快樂今災害日興盜賊日熾財力日竭
天下之民困苦已極使誠身得佛氏之道而拯救之
豈徒息精養氣保全性命豈徒一身之樂將天下萬
民之困苦亦可因是而蘇息故遂特降綸音發幣
遣使不憚數萬里之遙不受數萬金之費不惜數萬

生靈之困斃不厭數年往返之遲久遠迎學佛之徒
是蓋陛下思欲一洗舊習之非而幡然於高明光
大之業也陛下試以臣言反而思之陛下之心
豈不如此乎然則聖知之開明善端之萌蘖者亦
豈過為諛言以佞陛下哉陛下好佛之心誠至
則臣請毋好其名而務得其實毋好其末而務求其
本陛下誠欲得其實而求其本則請毋求諸佛而
求諸聖人毋求諸外夷而求諸中國此又非臣之苟
為遊說之談以誑陛下臣又請得而盡言之夫佛
者夷狄之聖人聖人有中國之佛也在彼夷狄則可

用佛氏之教以化導愚頑在我中國自當用聖人之
道以參贊化育猶行陸者必用車馬渡海者必以舟
航今居中國而師佛教是猶以車馬渡海雖使造父
爲御工良爲右非但不能利涉必且有沉溺之患夫
車馬本致遠之具豈不利溱乎然而用非其地則技
無所施陛下若謂佛氏之道雖不可以平治天下
或亦可以脫離一身之生死雖不可以參贊化育而
時亦可以導群品之蠢頑就此二說亦復不過得吾
聖人之餘緒陛下不信則臣請比而論之臣亦切
嘗學佛最所尊信自謂悟得其蘊奧後乃窺見聖道
深排極詆謂之外道邪魔正與佛道相反者不應好
佛而乃好其所相反求佛而乃求其所排詆者也
陛下若以堯舜旣沒必欲求之於彼則釋迦之亡亦
已久矣若謂彼中學佛之徒能傳釋迦之道則吾中
國之大顧豈無人能傳堯舜之道者乎陛下未之
求耳陛下試求大臣之中苟其能明堯舜之道者
日日與之推求講究乃必有能明堯舜之道致陛下
下於堯舜之域者矣陛下以堯舜好佛之心誠
至則請毋好其名而務得其實毋好其末而務求其
本務得其實而求其本則請毋求諸佛而求諸聖人

毋求諸異秋而求諸中國者果非妄為遊說之談以
誑陛下者矣 陛下而果能以好佛之心而好聖
人以求釋迦之誠而求諸堯舜之道則不必涉數萬
里之遙而西方極樂只在目前則不必糜數萬之費
斃數萬之命歷數千之久而一塵不動彈指之間可
以立證聖地神通妙用隨形隨足此又非臣之繆為
大言以欺陛下必欲討究其說則皆鑿鑿可證之
言孔子云我欲仁斯仁至矣一日克己復禮而天下
歸仁孟軻云人皆可以為堯舜豈欺我哉 陛下反
而思之又試以詢之大臣詢之群臣果臣言出於虛

繆則甘受欺妄之戮臣不知 諱忌伏見 陛下善
心之萌不覺踊躍喜幸輒進 其將順擴充之說惟
陛下垂察則 宗社幸甚天下幸甚萬世幸甚臣不
勝祝望懇切殞越之至專差 告人某具疏奏上以
聞

辭新任乞以舊職致仕

疏

十一年十月時陞
南贛僉都御史

臣原任南京鴻臚寺卿去歲

四月嘗以不職自劾求

退後至八月又以舊疾交作

復乞 天恩放回調理

皆未蒙 在元罷勉尸素因

循日月至今今年九月十

四日忽接吏部咨文蒙 因

陞授前職聞 命驚惶

感泣之餘莫知攸措竊念臣才本庸劣性復迂踈兼以疾病多端氣體羸弱待罪鴻臚閒散之地猶懼不稱况茲巡撫重在甘肅何才以堪夫因才器使朝廷之大政也量方及任人臣之大分也職任顯官臣心豈獨不願一時貧律苟受後至潰政債事臣一身戮辱亦奚足惜其如 陛下之事何況臣疾病未已精力益衰平居無事尚爾奄奄軍旅驅馳豈復堪任臣在少年粗心口氣狂誕自居自後涉歷漸久稍知慚沮逮今思之悔創靡及人或未考其實臣之自知則既審矣又何敢崇飾舊惡以誤 國事伏願 陛

下念 朝廷之大政不可輕地方之重寄不可苟體物情之有短長憫凡愚之所不逮別選賢能委以茲任憫臣之愚不加譴逐容令仍以鴻臚寺卿退歸田里以免負乘之誅臣雖顛殞敢忘嚙結臣自幼失慈鞠於祖母於今年九十有七且暮思臣一見為訣去歲乞休 疾病亦因此臣敢以螻蟻苦切之情控於 陛下冀得便道先歸省視今疾少伸反哺之私以俟 命臣衷情迫切不自知其觸昧條憲臣 恩威感激言戰懼哀懇祈望之至

謝

十二年正月二十六日

臣原任南宮中書侍郎正德十一年九月十四日准吏部咨送御史題表 聖旨王守仁陞都察院左僉都御史巡撫南贛汀漳等處地方寫 勅與他欽此等事 臣自以非才多病懼不勝任以致債事當具本乞 恩辭免容今原職致仕隨於十月二十四日節該欽奉 勅諭爾前去巡撫江西南安贛州福建汀州漳州廣東南雄韶州惠州潮州各府及湖廣郴州地方撫安軍民修理城池禁革奸弊一應地方賊情重為錢糧事宜小則徑自區畫大則奏請定奪欽此欽遵外十一月十四日續准兵部咨為緊急

賊情事內開都御史文森遷延誤事見奉 勅書切責乃敢託疾避難奏回養病見今盜賊劫掠民遭荼毒萬一王守仁因見地方有假託辭免不無愈加誤事該本部題奉 聖旨既地方有事王守仁着上緊去不許辭避遲誤欽此聞報憂慙不遑寧處一面扶疾候 旨至浙江杭州府地方於十二月初二日復准吏部咨該臣 奏為乞 恩辭免新任仍照舊職致仕事 奏奉 聖旨王守仁不准休致南贛地方見今多事着上緊前去用心巡撫欽此備咨到臣感恩 恩 請 於本月初三日起

程三次年正月十六日已抵贛州接管巡撫外伏念
臣氣血衰弱實性迂疎不爲口耳之學本非折衝之
才滿腹同散尚以疾病而不堪巡撫繁難豈其精力
之可任但前官以辭疾拓議適時效尤之嫌而聖
旨以多事爲言恐蹈避難之罪遂爾冒於負乘不暇
虞於覆餗黽勉蒞事忽已踰旬受恩思效每廢寢
食顧兵糧耗竭之餘加之以師旅而盜賊殘破之後
方苦於瘡痍尚爾一籌之未展取云暮月而可觀况
炎毒傷侵懼復中於瘴癘疴衰日積憂不任於驅馳
心有餘而才不逮足欲進而力不前徒切感

報莫由效死之誠臣敢不勉其智之所不足竭砥礪
於已盡其力之所可爲付利鈍於天亮無補於河嶽
亦少致其消埃稍俟瓜鼠巢穴之平終遂麋鹿山林
之請臣不勝受恩感激

給由疏

十二年二月
二十五日

臣見年四十六歲係浙江紹興府餘姚縣民籍由進
士弘治十三年二月內除授刑部雲南清吏司主事
弘治十五年八月內告回原籍養病弘治十七年七
月內病痊吏部以除兵部武選清吏司主事正德元
年十二月內爲看官去權奸以彰聖德事蒙

恩降授書州判... 正德五年三月內蒙陞江
西吉安府... 本年十月內陞南京刑部四
川清吏司... 六年正月內調吏部驗封清吏
司主事... 本年十月... 陞本部文選清吏司員外正德
七年三月內陞本部考功清吏司郎中... 十二月
初八日蒙陞南京太僕寺少卿... 正德八年十月二十
二日到任... 至正德九年四月二十一日止... 歷俸六箇
月... 本日接到吏部劄付蒙陞南京鴻臚寺卿... 本月二
十五日到任... 至正德十一年九月十四日止... 連閏歷
俸二十九箇月零二十日... 本日准吏部咨蒙... 恩陞

都察院右僉都御史巡撫南贛汀漳等府於正德十
二年正月十六日前到地方行事支俸起扣至本月
二十五日止又歷俸十日連前共轉歷俸三十六箇
月三年考滿例應給由緣臣係巡撫官員見在福建
漳州等府地方督調官軍夾剿漳浦等處流賊未敢
擅離緣係三年給由事理爲此具本奏聞

叅失事官員疏

十二年三月十五日

據江西按察司整飭兵備帶管分巡嶺北道副使楊
璋呈據贛州府信豐縣及信豐守禦千戶所各報稱
正德十二年二月初七日有龍南強賊突來地名崇

仙屯割已經委與國縣義民蕭承會同信豐龍南
官兵相機剿捕續據申報強賊突來本縣小河住割
離縣約有四十餘里乞要發兵策應又據申報本月
初九日有龍南流賊六百餘人突至城下除嚴督軍
兵司守城池緣本所縣無兵禦敵誠恐前賊攻城卒
難止遏乞調峯山弩手并該縣兵夫救護又經差委
南安府經歷王祚南康縣縣丞舒富統領弩手殺手
前去約會二縣掌印官并領兵官相機攻圍去後續
據縣丞舒富呈本月初十日蒙委統領殺手陳禮鮐
打手吳尚能等共五百名經歷王祚義民蕭承統領

峯山加善雙秀弩手各三百名先後到於信豐縣會
剿至十一日止有該所管屯千戶林節帶兵四十餘
名出城據鄉導馬客等報稱止有強賊六百餘人在
地名花園中割當同各官將兵分布割定只見前賊
一陣止有百十餘徒先出有前哨義民蕭承領兵就
與敵殺斬獲賊級四顆奪獲白旗一面頃刻衆賊出
營分爲三哨約有二千餘徒驟知龍南反招賊首黃
秀魁等合廣東龍川縣利頭賊首池大鬚賊首池大
安新樓六池大身共爲一陣賊首楊金巢自爲一陣
勢甚猖獗早職督統本哨兵快奮勇交鋒殺死賊徒

二十餘人不言其數一湧前衝殺手陳禮魴百長鍾德昇等見事難當俱各不聽約束先行漫散有南康縣報効善一等言事等仍與前賊死敵不退俱被戮傷身死及有運歷王祚上馬不便亦被執去賊勢得勝仍要攻城隨與蕭承林節等收集衆兵退至南營山把截遇蒙本道親臨該縣督剿各賊聞知退至牛州離城少遠至十二日前賊差人告招十三日蒙本道差蕭承前去招撫就將經歷王祚放回賊往原巢去訖等因到道備呈到臣隨據龍南縣知縣盧鳳呈稱本縣捕盜主簿周政會同鎮撫劉鏜千戶洪恩統

領機兵旗軍於本月十八日前去信豐縣截捕探得強賊池大鬚黃秀魁等從鴉鵲隘越過安遠縣住劄本職督兵追截前賊已往廣東龍川縣復回原巢泐頭去訖據安遠縣知縣劉瑀稟稱於本月十九日統領水元大石等保民兵弩手前去龍泉等保截剿各賊逃回原巢去訖難以窮追以此等兵回縣緣由查得先據該道及信豐縣所稟具報等語已經抗仰該道兵備等官急調各撫等處地方各備石背兵夫斷賊歸路二調峯山等手與官軍等處責委縣丞舒富統領前後夾擊等語此等賊匪利在速

戰仍仰該府急行所屬各官司馬等處設伏厚
集以待及於各鄉村等處大路徑令各處兵使賊不敢
輕易奔突仍調安遠縣兵與賊對峙起集水元大
石等保民兵一千橫截龍南等處一不若賊猶屯信
豐急自龍南直趨洲頭搗其巢穴賊無所獲退無
所處不過旬日可以全擒仰各處照施行去後今據
前因參者得縣丞舒富承委督剿不能相度機宜輕
率驟進以致殺傷兵快原其心雖出奮勇責以師律
均為敗事經歷王祚臨陣潰奔為賊所執後雖倖免
終係失機信豐所縣知縣黃天爵千戶鄭鐸巡捕副

千戶朱誠惟知固城自守不肯發兵應援龍南知縣
盧鳳捕盜主簿周政隄備鎮撫劉鏗千戶洪恩地當
關隘正可防遏坐視前賊往來畧不出兵邀擊千戶
林節即其兵力之寡以難全責究其失律之罪亦宜
分受其遠縣知縣劉瑀承調追襲緩不及事俱屬違
法南康縣日長德興等縣敵不前攻遂致東先行
潰散失誤軍機應合處以重法該道兵部副都楊璋
守備都指揮同知王泰俱屬提督欠意應處重罪往來
調度卒能招撫前賊計其功勞可以酌量寬宥廣東
龍川縣堂中捕盜等官明知首賊之入寨在彼地

方爲樂部亦六行時嘗巡遊總其... 劫掠又各不
行乘機追指但屬故違所據前項... 官員俱合遵
奉勅諭事理即行提問但前項... 權衆數千變
詐日出今錐陽受招撫其實陰懷... 况其黨與根
連三省萬一乘間復出爲患必大正係緊關用人隄
備之際除將百長鍾德昇等查勘的確處以軍法及
方面軍職另行參究外其餘前項各官且量加督責
姑令戴罪隄備各自相機行事勉圖後功以贖前罪
仍一面委官前去信豐縣地方查勘前項殺死兵快
數目及有無隱匿別項事情另行參奏緣係地方

緊急賊情及參失事官員事理未敢擅便爲此具本
請旨

閩廣捷音疏

十二年五月初八日

據福建按察司整飭兵備兼管分巡漳南道僉事胡
璉呈會同分守右叅政艾洪經理軍務左叅政陳策
副使唐澤將領都指揮僉事李胤督據河頭等哨委
官指揮徐麒知縣施祥知事曹瑤等三稱各職統領
軍兵五千餘人進至長富村等處見行賊衆地險巢
穴數多兼且四路裝伏勢甚猖獗危斯於正德十二
年正月十八日等各分哨路從長富村至瀾竹洋新

洋大豐五雷大小峯等處賊交鋒前後大戰數合擒斬首從賊犯黃燦等共計四百三十二名顆俘獲賊馬一百四十六名口燒燬房屋四百餘間奪獲馬牛等項被賊殺死老人許六打三黃富璣等六名餘賊俱各奔聚象湖山拒守各職又統官兵追至蓮花石與賊對劄誠恐賊衆我寡呈乞添兵策應等因到道行據大溪哨指揮高偉呈報統兵約會蓮花石官兵攻打象湖山適遇廣東委官指揮王春等領兵亦至彼境大傘地方卑職與指揮覃桓縣丞紀鏞領兵前去會剿不意大傘賊徒突出卑職等奮勇抵戰

桓紀鏞馬陷深泥與軍人易成等七名兵快李崇靜等八名俱被截傷身死卑職亦被截二鎗勢難抵敵只得收兵暫回聽候緣象湖山係極高絕險自來官兵所不能攻今賊勢日盛若不添調狼兵稍俟秋冬會舉夾攻恐生他變通行呈稟間續奉本院紙牌爲進兵方畧事備行各職遵奉密諭佯言犒衆退師俟秋再舉密切部勒諸軍未懈奮擊依崇差義官曾崇秀爪探虛實乘賊怠弛會選精兵一千五百名當先重兵四千二百名繼後分作三路各職統領俱於二月十九日夜晦校直趨三路並進直搗象湖山奪

其隘口各賊雖已失險但其間賊徒頗皆驍勇精悍猶能凌塹絕谷超躍如飛復據上層峻險四面飛打滾木礮石以死拒敵我兵奮勇鏖戰自辰至午呼聲震天撼搖山谷三日所發奇兵復從間道鼓噪突登賊始驚潰大敗我兵乘勝追殺擒斬大賊首黃狐狸游四并廣東大賊首蕭細弟郭虎等二百九十一名顆俘獲賊屬一百三十三名其間墜崖墮壑死者不可勝計奪回水黃牛賊銀鎗刀等物燒燬房屋五百餘間餘賊潰散復入流思山岡等巢與諸賊合勢亦被各賊殺死頭目賴願打手楊綠等一十四名次

早各職分兵追剿指揮高偉推官胡寧道亦由大豐領兵來會仍與前賊交鋒大戰擒斬首從賊犯巫姐旺等一百六十三名顆俘獲賊屬一百六名口餘賊敗走各又遞入廣東交界黃蠟溪上下樟溪大山去訖又據金豐三團哨委官指揮王鏗李誠通判龔震等各呈稱賊首詹師富等恃居可瘴洞山寨聚糧守險勢甚強固各職依奉會議分兵五路連日攻打生擒大賊首詹師富江書亮克楚等招賢等四名餘賊敗走復入於于洞等處八山寨又分兵進襲與賊連戰擒首從賊犯范長等二百三十五名顆俘

獲賊屬八十二名口奪回被擄銀兩五名口奪獲馬
牛等物亦殺各賊殺死老人婦人以及一名賊妻鄰夫
葉永恩等五名又據指揮徐德等呈稱黃蠟溪上下
漳溪與廣東饒平縣界內首末之縣山界相連連依
約會廣東官兵并金豐哨指揮董鑑大決哨掛官胡
寧道等於三月二十一日子時發兵齊至黃蠟廣東
義民饒四等領兵亦至會合我兵三路進攻賊出拒
戰甚銳我兵奮勇大噪而前擒斬首從賊犯溫宗富
等九十一名顆俘獲賊屬一十三名口餘賊敗走各
兵乘勝追至赤石巖仍與大戰良久賊復大敗又擒

斬首從賊犯游宗成等一百四十六名顆俘獲賊屬
九十名口又據中營委官指揮張鉞百戶呂希良等
呈稱領兵追趕黃蠟溪等處逃賊至地名陳呂村遇
賊拒戰當陣擒斬首從賊犯朱老叔等六十六名顆
俘獲賊屬八名口夕乃呈解到道轉解審驗紀功外
續據委官知府鍾相呈稱蒙調官兵先後兩月之間
攻破長富村等處巢穴三十餘處擒斬首從賊犯一
千四百二十餘名顆俘獲賊屬五百七十餘名口奪
回被擄男婦五名口燒燬房屋二千餘間奪獲牛馬
賊仗無算即今脅從餘黨悉願推帶家口出官投首

聽撫安插本職遵照兵部 奏行勘合并巡撫都察
院節行案牘 事理出給告示 委知縣施祥縣丞余
道招撫脅從 人朱宗王翁景璘等一千二百三十
五名家口二千八百二十八名口俱經審驗安插復
業緣由三報到道轉 到臣及據廣東按察司分巡
嶺東道兵備使事等官 應祥等會呈遵依本院案
驗委官統領軍兵會同 福建尅期進剿隨奉本院進
兵方畧當即遵依揚言班師 一面出其不意從牛皮
石嶺脚隘等處分爲三哨 鼓噪並進賊膽顧不暇望
風瓦解節據指揮楊昂王春通判徐璣陳策義官余

三十九頭匹賊仗衣布等物共二千一百五十七件
疋葛蕉紗九十六斤一兩賊銀三十二兩四錢八分
銅錢一百四十二文各開報到道收審緣由呈報前
來卷查先爲急報賊情事准兵部咨該本部題已經
福建廣東總鎮巡按等衙門都御史陳金御史胡文
靜等會議區畫各該守巡兵備等官欽遵整備糧餉
起調軍兵約會進剿聞臣於本年正月十六日始抵
贛州地方行事先於正月初三日於南昌地方據兩
省各官三稟師期不同事體亦錯誠恐彼此推調致
誤軍機當三稟請 部查來事理具開進兵方畧行

仰各官總同...切施行去後續據福建右叅政
等官艾洪等言...被...及...各...呈...賊寨險惡
突出馬...被...及...各...呈...賊寨險惡
天氣漸...我...遭...賊勢...要...添...復兵候秋
再舉備...到...來...得各官...兵不進致此敗...顯
是不奉節制故違方畧及照...調...兵非惟日久路
遙緩不及事兼恐師老財費別生他虞且勝敗由人
兵貴善...當此...挫...各官正宜協憤同奮因敗求勝
豈可輒自退阻倚調...兵坐失機會臣當日即自...
州起程親率諸軍進屯長汀上坑等處一面督令各

黃孟等各報稱於本年正月二十四等日剋破古村
木窖禾村大水山柘林等巢生擒大賊首張大背劉
烏嘴蕭乾及范端蕭玉即蕭五顯...劍蘇瑤賴隆等
并擒斬首從賊犯乘勝前進會同福建官軍剋期夾
攻間探知大傘賊徒潰圍殺死指揮覃相縣丞紀鏞
等情當即進兵策應各賊畏我兵勢燒巢奔走生擒
賊首羅聖欽餘賊退入箭灌大寨各勢乘險併力拒
敵蒙委知縣張...督同指揮張天杰分哨由別路進
兵攻破白土村赤石樓等寨...箭灌大寨諸賊迎
戰我兵奮勇合...遂破...獲首從賊犯共

計二百二十四名顆俘獲賊屬八十四名口及牛馬
賊仗等物冬寨賊黨聞風奔竄已散復聚愈相連結
各設機險以死拒守各職統兵分兵並進於三月二
十等日攻破木竹大重坑苦宅溪靖泉溪白羅南山
等巢直搗洋竹洞三角湖等處前後大戰十餘生擒
賊首溫火燒張六背雷振蔡晟賴英等并擒斬賊犯
共一千四十八名顆俘獲賊屬八百二十八名口奪
獲馬牛賊銀銅錢衣布器仗蕉紗等物前後共計生
擒大賊首一十四名擒斬賊犯一千二百五十八名
顆俘獲賊屬九百二十二名口奪獲水黃牛馬一百

官密照方略火速進剿立功自贖敢有支吾推調定
以軍法論處一箇查勘失事緣由另行參奏間隨據
各呈捷音到臣參照閩廣賊首詹師富溫火燒等恃
險從逆已將十年黨惡聚徒動以萬計鼠狐得肆跳
梁蛇豕漸無紀極劫剽焚驅數郡遭其荼毒轉輸征
調三省爲之騷然臣等奉行誅剿三月之內遂克殲
取渠魁掃蕩巢穴百姓解倒懸之苦列郡獲再生之
安此非 朝廷威德廟堂成算何以及此及照福建
領兵各官始雖踈於警備稍損軍威終能戮力協謀
大致克捷論過雖有計功亦多其間福建如僉事胡

連叅政陳策副使唐澤知府鍾湘廣東如會事顧應祥都指揮僉事楊懋知縣張戩才調俱優勞勩尤著伏乞俯從惟重之典以作敢戰之風除將二省兵快量留防守其餘悉令歸農及將功次另行勅報外原係捷音事理爲此具本題 奏

申明賞罰以厲人心疏 十二月五日 月初八日

據江西按察司整飭兵備帶管分巡嶺北道副使楊璋呈伏覩 大明律內該載失誤軍事條領兵官已承調遣不依期進兵策應若承差告報軍期而違限因而失誤軍機者並斬從軍違期條若軍臨敵境託

剿不過遙爲聲勢俟其解圍退散卒不能取決一戰者以無賞罰爲之激勸耳合無申明賞罰之典今後但遇前項賊情領兵官不拘軍衛有司所領兵衆有退縮不用命者許領兵官軍前以軍法從事領兵官不用命者許總統兵官軍前以軍法從事所統兵衆有能對敵擒斬功次或之敵陣亡從實開報覆勦是實輒達奏聞 體臣夏王若生擒賊徒鞫問明白即時押赴市曹斬首示衆使人知警畏亦與見行事例決不待時無稍憚天如此則賞罰既明人心激勵盜賊生發得以即時擒獲燬餉可省事功可見矣具

呈到臣等查三三盜賊二三年前統計不過三千有
餘今據各州縣兵備守備等官所報已將數萬蓋
已不啻一倍於前臣等深求其故詢諸官僚訪諸父
老采諸遺老論諸曰三盜以三盜賊之日滋由於招
撫之太濫招撫之太濫由於兵力之不足兵力之不
足由於賞罰之不行孰有加副使楊璋所議者臣請
因是爲 陛下畧言其故盜賊之性雖皆兇頑固亦
未嘗不畏討天惟爲之而誅討不及又從而招撫
之然後肆無所忌蓋招撫之議但可偶行於無辜脅
從之民而不可常行於長惡怙終之寇可一施於回

心向化之徒而不可屢施於隨招隨叛之黨南贛之
盜其始也被害之民恃官府之威令猶或聚衆而與
之角鳴之於官而有司者以爲既招撫之則皆置之
不問盜賊習知官府之不彼與也蓋從而讐脅之民
不任其苦知官府之不彼恃亦遂靡然而從賊由是
盜賊益無所畏而出劫日衆知官府之必將已招也
百姓益無所恃而變賊日衆知官府之必不能爲已
地也夫平夏有盜者無紳而盜以乃未不遂爲民
者困征輸之劫而爲盜者獲獲美之則亦何苦而
不彼從乎是古近賊者爲之無不遂爲民者爲之鄉導

處城郭者盡之交接在官府者爲之聞諜其始出於
避禍者盡之而商者之故曰盜賊之月滋由於招撫
之太濫者甚也夫盜賊之害於人怨孰不痛心而
獨有過者必欲招撫之亦豈得已哉誠使強兵悍卒
足以殲渠魁而善巢穴則百姓之情雪地方之患除
功成名立豈非其所欲哉然而南贛之兵素不練養
類皆脆弱驕惰遇征發追呼拘攝旬日而始集約
東齋遣又旬日而始至則賊已相勦歸巢矣或猶遇
其未退望賊塵而先奔不及交鋒而已敗以是禦寇
猶驅群羊而攻猛虎也安得不以招撫爲事乎故凡

南贛之用兵不過文移調遣以苟免坐視之罰應名
剿捕聊爲招撫之媒求之實用斷有不敢何則兵力
不足則剿捕未必能克剿捕不克則必有失律之咎
則必征調日繁督責日至糾舉論劾者四面而起往
往坐視而至於落職敗名者有之招撫之策行則可
以安居而無事可以無調發之勞可以無戴罪殺賊
之責無地方多事不得遷轉之滯夫如是孰不以招
撫爲得計是故寧使百姓之荼毒而不一卒以抗
方張之寇寧使孤兒寡婦之號哭顛連疾苦之無告
而不敢提一旅於外及招撫之議其始也

出於不虞之計也遂守以嚴常策故曰招撫之太
濫由於兵之不足者此也古之善用兵者驅市人
而使戰地盡人之卒以抗強虜今西轅之兵尚足以
及數千三軍無可用乎然而金之不止鼓之不進未
見敵而亡不待戰而北何者進而效死無爵賞之勸
退而奔逃無誅戮之及則進有必死而退有幸生也
何苦而求必死乎吳起有云法令不明賞罰不信雖
有百萬何益於用凡兵之情畏我則不畏敵畏敵則
不畏我今南轅之兵皆畏敵而不畏我欲求其用安
可得乎故曰兵力之不足由於賞罰之不行者此也

今朝廷賞罰之典固未嘗不具但未申明而舉行
耳古者賞不踰時罰不後事過時而賞與無賞同後
事而罰與不罰同況過時而不賞後事而不罰其亦
何以齊一人心而作興士氣是雖使韓白爲將亦不
能有所成況如臣等腐儒小生才識昧劣而素不知
兵者亦復何所冀乎議者以南轅諸處之賊連絡犍
蟠據四省非奏調狼兵大舉夾攻恐不足以掃蕩巢
穴是固一說也然臣以爲狼兵之調非獨所費不貲
兼其所過殘掠不下於盜大兵之興曠日持久聲勢
彰聞比及舉事諸賊渠魁悉已逃遁所可得者不過

老弱之徒從無知之云於是乎有橫罹之慘於是乎有
妄殺之禁班師未幾而山林之間復已呼嘯成群此
皆往聖之已驗者臣亦近據南贛之籍銳得二千有
餘部黨操演畧有可觀誠使得以六軍誅討之賞罰
而行之平時假臣等以便宜行事不限以時而惟成
功是責則比於大軍之舉臣竊以為可省半費而收
倍功乞請以近事證之臣於本年正月十五日抵贛
卷查兵部所咨申明律例今後地方但有草賊生發
事情緊急該管官司即便依律調撥官軍乘機剿捕
應合會捕者亦就調發策應但係軍情火速差人由

奏敢有遲延隱匿巡撫巡按三司官即便參問依律
罷職充軍等項發落雖不係聚眾草賊但係有名強
盜肆行劫掠賊勢兇惡或白晝攔截或明火持杖不
拘人數多少一面設法緝捕即時差人申報合干上
司并具申本部知會處置如有仍前朦朧隱蔽不即
申報以致聚眾滋蔓貽患地方從重叅究決不輕貸
等因題奉 欽依備行前來時以前官久缺未及施
行臣即刊印數千百紙通行所屬布告遠近未及一
月而大小衙門以賊情叅報者接踵亦遂屢有斬獲
一二人或五六七八人者何老兵得隨時調用而

言無覺望則自然無可推託逃避思効其力由
此言之律例具存前此惟不申明而舉行耳今使賞
罰之具悉從而申明之其獲效亦未必不如是之速
也伏望 皇上念盜賊之日熾哀民生之日蹙憫地
方荼毒之愈甚慮百姓冤憤之莫伸特 勅兵部俯
采下議特假臣等 令旗令牌使得便宜行事如是
而兵有不精賊有不滅臣等亦無以逃其死夫任不
專權不重賞罰不行以致於債軍貽事然後選重臣
假以總制之權而往拯之縱善其後已無救於其所
失矣臣才識淺昧且體弱多病自度不足以辦此行

從 陛下乞骸骨苟全餘喘於林下但今方待罪於
此心知其弊不敢不爲 陛下盡言 陛下從臣之
請使後來者得効其分寸收討賊之功臣亦得以少
追死罪於萬一緣係申明賞罰以勵人心事理爲此
具本請 旨

攻治盜賊二策疏

十二年五月二十八日

據江西按察司整飭兵備帶管分巡嶺北道副使楊
璋呈奉 旨批據南安府由大庾縣報正德十二年四
月內被羣賊四百餘人前來打破下南等寨續被上
猶橫水等賊七百餘徒截路打寨劫殺居民又據南

康縣報峯賊一夥突來龍句保虜劫居民續被峯賊
三百餘徒突來坊民郭加瓊等家擄捉男婦八十餘
口耕牛一百餘頭又有峯賊一陣虜劫上長龍鄉耕
牛三百餘頭男婦子女不知其數又據上猶縣申被
橫水等村峯賊糾同逃民四散虜劫人財續據三門
總甲蕭俊報峯賊與逃民約有數百在於地名梁灘
虜牽人牛本月十六日准本縣捕盜主簿利昱牒報
峯賊劫打頭里茶坑等處駐劄未散已關統兵官縣
丞舒富等前去追剿賊已退回橫水等巢去訖各申
本院批兵備道議處回報案照四月初五日據南康

府呈同前事彼時本院見在福建漳州督兵未回未
知前賊向什行查未報續據龍南縣稟被廣東洲頭
等處強賊池大髮等二千餘徒突來攻圍總甲王受
寨所又經會委義官蕭承調兵前去會剿隨據本縣
呈前賊退去訖因又查得先據南康縣申稱上猶
賊首謝志珊糾合廣東賊首三快馬統衆二千餘徒
攻圍南康縣治殺項官兵已經議委知府邢珣等查
勘失事緣由三報外續該兵部題咨巡撫都御史孫
燧會同南康縣御史王守仁等前項賊犯謝志珊等
量調官軍攻剿務期盡絕應該會同兩廣鎮巡

官行奉照例約會施行題奉 欽依轉行查勘前賊見今有無出沒及曾否集有兵糧相度機宜即今可否則預惟復應會兩廣調集軍馬待時而動務要查議明白處置行書具由呈報仍督各該地方牢固把截用心防守以備不虞等因隨奉本院案驗議照前賊連給三省盤據千三必須三省之兵剋期並進庶可成功但今湖廣已有偏橋苗賊之征廣東又有府江徑徑之役雖欲約會夾攻目今已是春深雨水連綿草木茂盛非惟緩不及事抑且虛糜糧餉合無一面募兵練武防守愈嚴積穀貯糧軍需大備告招有

俯順其情暫且招安肆惡者乘其間隙量搗其穴候三省約會俟當然後大舉庶有備無患事出萬全通行呈詳去後今奉前因隨會同分守左叅議黃宏守備都指揮同知王泰查勘得南安府所屬大庾南康上猶三縣除賊巢小者未計其大者總計三十餘處有名大賊首有謝志端志泐志全楊積榮賴文英藍瑤陳白能蔡積昌賴文聰劉通劉受蕭居謨陳尹誠簡永唐蔡積慶蔡西薛文高洪祥徐華張祥劉清才譚曰言不蘇言不祥藍有奇朱積厚黃金瑞藍天鳳藍文亨鍾鳴 鍾公言王行雷明聰唐洪劉元蒲所統賊

衆約有八千餘徒且與湖廣之桂陽桂東魚黃聶水
老虎神仙秀子等巢廣東之樂昌巢穴相聯盤據流
劫三省爲害久矣隆州之龍南因與廣東之龍川利
頭賊巢接壤被賊首池大鬢大安大升糾合龍南賊
首黃秀魁賴振祿鍾萬光王金巢鍾萬貴古興鳳陳
倫鍾萬璇杜思若孫福榮黃萬珊黃秀玉羅積善王
金曾子柰王金余王洪羅鳳璇黎用璇黃本瑞鄭文
鉞陳秀珖陳珪劉經藍斌黃積秀等所統賊衆約有
五千餘徒不時越境流劫信豐龍南安遠等縣已經
夾攻三次俱被漏網所據前賊占據居民田土數千

萬頃殺虜人民尤難數計攻圍城池敵殺官兵焚燒
屋廬姦汙妻女其爲荼毒有不忍言神人之所共怒
天討所當必加者也今聞廣湖二省用兵將畢夾攻
之舉亦惟其時但深山茂林東奔西竄兼之本道兵
糧寡弱必須那借京庫折銀二萬餘兩動調狼兵數
千前來協力約會三省並進夾攻庶可唯類無遺等
因又據贛東樂昌縣知縣李增稟稱本年二月內有
東山賊首高快馬等八百餘徒在地名櫃頭村行劫
又據乳源縣稟報賊徒千餘在洲頭街等處打劫備
申恐詳及據湖廣整飭柳桂等處兵備副使陳璧呈

稱本年二月內據黃砂保走報廣東強賊二百餘徒
突出攻劫又據宜章所飛報樂昌縣山峒苗賊二千
餘隻出到九陽等處搜山捉人未散又報東西二山
首賊發票會集四千餘徒聲言要出桂陽等處攻城
又報江西長流等峒峯賊六百餘徒又一起四百餘
徒各出劫掠及據桂東縣申報強賊一起七百餘徒
前到本縣殺人祭旗捉擄男婦未散又據桂陽縣報
強賊六百餘徒聲言要來攻寒等因各稟報到道者
得前項苗賊四山會集報到之數將及萬餘我兵寡
弱防守尚且不足敵戰將何以支況郴桂所屬永興

故違期三日不至者斬主將不固守條官軍臨陣先
退及圍困敵城而逃者斬此皆罰典也及查得原擬
直隸山東江西等處征剿流賊陞等事例一人并二
人爲首就陣擒斬以次劇賊一名者五兩二名者十
兩三名者陞實授一級不願者賞十兩陣亡者陞一
級俱世襲不願者賞十兩擒斬從賊六名以上至九
名者止陞實授一級餘功加賞不及六名除陞一級
之外扣算賞銀三人四人五人以上共擒斬以次劇
賊一名者賞銀十兩均分從賊一名者賞銀五兩均分
領軍把總等官自斬賊級不准陞賞部下獲功七十

名以上者陞署一級五百名者陞實授一級不及數者量賞一人捕獲從賊一名者賞銀四兩二名者賞八兩三名者陞一級以次劇賊一名者陞署一級俱不准世襲不願者賞五兩此皆賞格也賞罰如此宜乎人心激勸功無不立然而有未能者蓋以賞罰之典雖備然罰典止行於參提之後而不行於臨陣對敵之時賞格止行於大軍征剿之日而不行於尋常用兵之際故也且以嶺北一道言之四省連絡盜賊淵藪近年以來如賊首謝志珊高快馬黃秀魁池大鬚之屬不時攻城掠鄉動輒數千餘徒每每督兵追

民徬徨呈乞轉達請調三省官軍夾剿等情各備申到臣除備行江西廣東湖廣三省該道守巡兵備守備等官嚴督各該府州縣所掌印巡捕巡司把隘隄備等官起集兵快人等加謹防禦相機截捕去後查得先因地方盜賊日熾民被荼毒竊計兵力寡弱既不足以防遏賊勢事權輕撓復不足以齊一人心乞要申明賞罰假至等 令旗令牌使得便宜行事庶幾舉動如意而事功可成已經具題聞今復據各呈申前因臣等未看得前項賊徒惡貫已盈神怒人怨譬之疽癰之在人身若不速加攻治必至潰肺決腸

然而攻治之方亦有二說若 陛下假臣等以賞罰
重權使得便宜行事期於成功不限以時則兵衆既
練號令既明人知勳屬事無掣肘可以伸縮自由相
機而動一寨可攻則攻一寨一巢可撲則撲一巢量
其罪惡之淺深而爲無剿度其事勢之緩急以爲後
先如此亦可以省供饋之費無征調之擾日剪月削
使之漸盡灰滅此則如昔人拔齒之喻日漸動搖齒
拔而兒不覺者也然而今此下民之情莫不欲大舉
夾攻以快一朝之忿蓋其怨恨所激不復計慮其他
必湏南調兩廣之狼達西調湖湘之土兵四路並進

一鼓成擒庶幾數十年之大患可除千萬人之積冤
可雪然此以兵法十圍五攻之例計賊二萬湏兵十
萬日費千金殆於道路不得操事者七十萬家積粟
料財數月而事始集刻期舉謀又數月而兵始交聲
迹彰聞賊強者設險以拒敵黠者挾類而深逃迨於
鋒刃所加不過老弱脅從且狼兵所過不減於盜轉
輸之苦重困於民近年以來江西有姚源之役瘡痍
甫起福建有汀漳之寇軍旅未旋府江之師方集於
兩廣徧橋之討未息於湖相養之行輒已空種不入
土而營建所輸四征未已詭求之刻百出方新若復

加以大兵民將何以堪命此則一拔去齒而見亦隨
斃者也夫由前之說則如臣之昧劣實懼不足以堪
事必擇能者任之而後可若夫舉夾攻誠可以分咎
而薄責然臣不敢以身試而廢國議惟 陛下擇其
可否斷而行之緣係地方緊急賊情事理為此具本
請旨

類奏擒斬功次疏

十二年五月二十八日

據江西按察司整飭兵備帶管分巡嶺北道副使楊
璋呈正德十二年二月二十等日據贛州府龍南縣
申總甲王受等呈蒙差各役領兵與同已招大賊首

黃秀璣等前往安遠截捕流賊賴振祿等行至地名
湖江背不料黃秀璣反招主令伊弟黃大滿黃細滿
等沿途打搶民財放火燒燬民人劉必甫等房屋仍
與賊首賴振祿等連謀行劫本役督率兵快人等前
到地名黎坑際下與賊對敵當陣殺獲賊首黃秀璣
黃大滿黃細滿黃積瑜首級四顆奪獲黃黑旗二面
殺死賊徒三十餘名本年四月初九日又有廣東潮
頭老賊首池大鬚串同友招賊首黃秀魁陳秀顯等
糾衆四百餘徒打劫干長何市等家本役又率兵夫
至地名陳坑水與賊交鋒殺獲首從賊人陳秀顯等

一十二顆奪獲紅旗一面大小黃牛五頭餘賊歸巢
去訖及據南安府申據大庾縣盜長張德報稱湖廣
桂陽縣魚黃峒峯賊首唐飛劔總兵嚴宗清千總賴
必等糾衆劫虜當起兵夫追至界首南流松與賊對
敵殺獲唐飛劔嚴宗清首級二顆及南安縣申准縣
丞舒富關峯賊三百餘人出劫當有保長王萬湖等
帶領鄉兵擒捕殺獲賊級一顆生擒賊二名奪回被
虜人口三名口奪獲黃牛二頭各解報到道審驗明
白等因又據廣東按察司分巡嶺南道僉事黃昭呈
韶州府乳源縣知縣沈淵申稱本年二月十八日有

東山徑賊首高快馬等衆突來城外并附近鄉村打
劫欲行攻陷南城當即起集鄉兵及打手民壯固守
城池及相機射傷賊徒三名各賊退在北城外劄
營隨調深峒等處土兵協力奮勇與賊交鋒射傷賊
徒二十餘名射死賊徒一十六名奪回被虜人口三
十二名口又據清盜老入梁真等殺獲賊級二顆生
擒賊徒一名及據樂昌縣知縣李增申強賊六百餘
徒出劫堂集打手兵壯前去截捕到地名雲門寺與
賊交鋒斬獲賊級二十四顆生擒賊徒二名奪獲馬
七匹又據曲江縣徑總盤宗興等擒獲賊徒一名奪

獲馬一匹各呈解到道審驗是實等因并據潮州府揭陽縣由流賊劫長樂海豐等縣黃義官等家隨調兵快行至地名長門徑與賊對敵擒獲賊徒張宏福王本四等一十六名俘獲賊婦二口及據惠州府申准捕盜通判徐幾牒稱流賊一夥約有八十餘徒圍劫新田屯徐百戶等家當督兵快打手追殺至地名馬駿逕擒獲賊徒杜棟等四名殺獲賊級一顆又督總甲鄭全等在地名葵頭障擒獲賊徒張仔等一十二名及千長彭伯璿等率兵擒獲賊徒黃貴等一十五名殺獲賊級一顆俘獲賊婦一口又有總甲黃廷

珠追獲賊徒雷進保等八名俱解赴嶺東道審驗等因及據湖廣郴桂等處兵備副使陳璧守備指揮同知李璋各呈廣東苗賊一千餘徒出劫興寧等處當起郴州殺手令閑住千戶孔世傑等管領追襲至地名大田橋遇賊當陣擒斬首從賊人龐廣等三十二名類奪獲賊仗四十七件馬騾五匹奪回被虜人口二百五十名口并據老人劉宣等捕獲賊徒雷克恕等六名俘獲婦女二口申報到道審驗明白各備由呈申開報到臣先為巡撫地方事節該欽奉 勅命爾巡撫江西南安贛州福建汀州漳州廣東南雄韶

州惠州潮州各府及湖廣郴州地方但有賊盜生發
即便設法剿捕欽此欽遵已經備行各道守巡兵備
守備等官嚴督府衛所州縣掌印捕盜等官起集父
子鄉兵及顧募打手殺手弩手人等各於賊行要路
去處加謹防禦遇有盜賊出沒即便相機截捕獲功
呈報以靖地方今據各呈除行各該兵備等官將斬
獲賊級閱驗明白發仰梟首生擒賊犯問招回報俘
獲賊屬并牛馬贓物俱變賣價銀入官與器械俱貯
庫被虜人口給親完聚獲功人員照例量行給賞外
緣係擒獲功次事理為此具本題 知

添設清平縣治疏

十二年五月二十八日

據福建按察司兵備僉事胡璉呈奉本院批據漳州
府呈准知府鍾湘關據南靖縣儒學生員張浩然等
連名呈稱南靖縣治僻在一隅相離盧溪平和長樂
等處地里遙遠政教不及小民罔知法度不時劫掠
鄉村肆無忌憚釀成大禍今日動三軍之衆合二省
之威雖曰殲厥渠魁掃除黨類此特一時之計未爲
久遠之規乞於河頭中營處所添設縣治引帶汀潮
喉襟清寧人煙輳集道路適均政教旣敷盜賊自息
考之近日龍巖添設漳平而寇盜以靖上杭添設永

定而地方以寧此皆明驗今若添設縣治可以求保無虞等情又據南靖縣義民鄉老曾敦立林大俊等呈稱河頭地方北與盧溪流恩山岡接徑西南與平和象湖山接境而平和等鄉又與廣東饒平縣大傘等鄉等鄉接境皆係窮險賊巢兩省民無相距所屬縣治各有五日之程名雖分設都圖實則不聞政教往往招誘出劫一呼數千所過荼毒有不忍言正德二年雖蒙統兵剿捕未曾設有縣治不過數月遺黨復興今蒙調兵剿撫雖少寧息誠恐漏網之徒復踵前弊呈乞添設縣治以控制賊巢建立學校以移易

風俗庶得久安長治等因蒙漳南道督同本職與南靖縣知縣施祥帶領耆民曾敦立等并山人洪欽順等親詣河頭地方踏得大洋波背山面水地勢寬平周圍量度可六百餘丈西接廣東饒平北臨三圍盧溪堪以建設縣治合將南靖縣清寧新安等里漳浦縣二三等都分割管攝隨地糧差及看得盧溪河頭坂地勢頗雄宜立巡檢司以為防禦就將小溪巡檢司移建仍量加編丁兵點選鄉夫協同巡邏遇有盜賊隨即撲捕再三審據通都民人合詞執稱南靖地方極遠邊境盜賊易生上策莫如設縣況今奏請之

後重餉錢糧尚有餘剩各人亦願鑿山採石挑土築城砍伐樹木燒造輒在數月之內工可告成爲然南靖縣相離盧溪等處委的寫遠難以提防管束今欲於河頭添設縣治枋頭擬移設巡檢司外足以控制饒平隘境內足以壓服盧溪諸巢文且民此樂從不煩官府督責誠亦一勞永逸事頗相應具呈到道呈乞照詳等因奉批看得到建縣治控制兩省盜寨以奠數邑民居實亦一勞永逸之圖但未經查勘奏請仍仰該道會同始議各官再行該府拘集父老子弟及地方新舊居民審度事體斟酌利害如果遠近無

不稱便軍民又皆樂從事已舉興勢難中輟即便具由呈來以憑奏請定奪仍一面俯順民情相度地勢就於建縣地內預行區畫街衢井巷務要均適端方可以永久無弊聽從願徙新舊人民各先占地建屋任便居住其縣治學校倉場及一應該設衙門姑且規留空址待奏准 命下之日以次建立仍一面通行鎮巡等衙門公同會議此係設縣安民地方重事各官務要計處周悉經畫審當毋得苟且雷同致貽後悔批三作急勘報等因依蒙拘集坊郭父老及河頭新舊居民再三詢訪各交口稱便有地者願歸官

丈量以寔城池有山者願聽上砍伐以助木石有人
力者又言竹然相聚挑築土其業已垂成惟恐上議
中止下情難遂等情具呈到臣爲照建立縣治固係
禦盜安民之長策但當大兵之後繼以重役竊恐民
或不堪臣時督兵其地親行訪詢父老諏咨道路衆
口一詞莫不舉手願望仰心樂從且夕皇皇惟恐或
阻臣隨遣人私視其地官府未有教令先已伐木畚
土雜然並作畏糧趨事相望於道究其所以皆緣數
邑之民積苦盜賊設縣控禦之議父老相沿已久人
心冀望甚渴皆以爲必須如此而後百年之盜可散

數邑之民可安故其樂事勸工不令而速臣觀河頭
形勢實係兩省賊寨咽喉今象湖可塘大傘箭灌諸
巢雖已破蕩而遺孽殘黨亦寧無有逃遯山谷者舊
因縣治不立征剿之後浸復歸據舊巢亂亂相承皆
原於此今誠於其地開設縣治正所謂撫其背而扼
其喉盜將不聚而散行且化爲善良不然不過年餘
必將復起其時言可聚兩省之兵又糜數萬之費圖之
已無及矣臣竊以爲開縣治於河頭以控制群巢於
勢爲便雖使兵士不欲猶將強而從之况其祝望欣
趨若此亦何憚而不爲至於移巡司於枋頭坂亦於

事勢有不容已蓋河頭者諸巢之咽喉枋頭者河頭之唇齒勢必相須兼其事體已有成規不過遷移之勞所費無幾臣等皆已經畫區處大畧已備不過數月可無督促而成民之所未敢擅爲者惟縣治學校須命下之日乃舉行耳伏願陛下俯念一方荼毒之久深惟百姓永遠之圖下臣等所議於該部採而行之設縣之後有不如議臣無所逃其責今新撫之民群聚於河頭者二千有餘皆待此以息其反側若失今不圖衆心一散不可以復合事機一去不可以復追後有噬臍之悔徒使臣等得以爲評然已無

流灘石險阻止於省城三府居民受其高價之苦客商阻塞買賣之源乞賜俯念吉臨等府與贛州地里相連自昔至今惟食廣鹽一向未經禁革況廣鹽許于南贛二府發賣原亦不係洪武舊制乃是正統年間爲建言民情事奉總督兩廣衙門奏行新例如蒙將廣鹽查照南贛事例照舊疏通下流發賣萬民幸甚等因又據贛州府抽分廠委官照磨汪德進呈近奉勘合禁止廣鹽止許南贛發賣不許下流但贛州吉安地里相連水路不過一日之程今年夏霖雨泛漲雖有橋船阻隔水勢洶惡衝斷橋索以致奸商計

乘水勢聚積百船執持兇器用強越過後雖擊獲數起問罪不過十之一二又有投託勢要官豪夾帶下流發賣者又有挑擔馱載從興國贛縣南康等處小路越過發賣者其弊多端不禁則違事例禁止則勢所難行呈乞議處等因卷查正德六年奉總制江西等處地方軍務左都御史陳金批據江西布政司呈准本司右布政使任漢谷稱查得江西十三府俱係兩淮行鹽地方湖西嶺北二道灘石險惡淮鹽因而不到商人往往越境私販廣鹽射利肥已先蒙總督衙門奏准廣鹽許行南贛二府發賣仰令南雄照引

追米納價類解梧州軍門官商兩便軍餉充足當時止是奏行南贛不曾開載袁臨吉三府合無遵照勅諭便宜處置暫許廣鹽得下袁臨吉三府地方發賣立廠盤掣以助軍餉及據江西按察司兵備副使王秩亦呈前事隨該三司布政等官劉果等議得委果於事有益於法無礙呈詳批允前來遵照立廠照例抽稅外正德九年十月內准戶部咨該巡撫都御史周南題該本部覆議內開廣東鹽課仍照正德三年題奉 欽依事理有引官鹽許於南贛二府發賣不許再行抽稅袁臨吉不係舊例行鹽地方不許到

彼如有犯者不分有引無引俱照律例問罪沒官又
經行仰禁革去後今據前因隨查得正德六年十一
月二十七日設立抽分厰起至正德九年五月終止
共抽過稅銀四萬八百四十餘兩陸續奉撫鎮衙門
明文支發三省夾攻大帽山等處賞功軍餉并犒勞
過狼兵官軍士兵口糧并取赴饒州征剿姚源軍前
應用及起造抽分厰廳浮橋修理城池買穀上倉預
備賑濟及遵巡撫軍門批申借支贛州衛官軍月糧
等項支過稅銀三萬八千二百九十餘兩由此觀之
則地方糧賞之用歲費不貲而仰給於商稅獨重前

項商稅所入諸貨雖有而取足於鹽利獨多及查得
近爲緊急賊情事該兵部題奉 欽依轉行議處停
當具由呈報該本道會同八分守守備衙門議得賊首
謝志珊有名大寨三十餘處擁衆數萬盤據三省窮
克極惡神怒人怨已經呈詳轉達奏 聞動調三省
官兵會剿去後及議得本省動調官兵以三萬爲率
半年爲期糧餉等費約用數萬查得贛州府庫收貯
前項稅銀除支用外止餘二千九百餘兩又是節催
起解是部之數續收銀兩止有一千二百餘兩但恐
不日 命下尅期進剿軍行糧食所及查得

廣東所奏前項鹽法准行南贛一府... 其係一時
權宜不係洪武年間舊例合無咨... 年禁制都御
史陳金便宜事例一百行令前商... 袁監吉三府
販賣所收銀兩少為助給一百別... 行詳處以備軍餉
庶使有備無患不致臨期缺乏... 候事少寧另行具題
禁止度袁臨吉三府居民無乏... 鹽之苦南贛二府軍
明得軍餉之利而關津把截去處... 免阻隔意外之變
誠為一舉而三得矣等因已經備... 由呈奉巡撫都御
史孫燧批看得所議鹽稅既不重... 累商人抑且有裨
軍餉輿情允協事體頗宜但其至... 贛州府十取其一

臨等府十而取二似乎過重仰行... 再加詳議斟酌
中回報依奉訪得商民販鹽下至... 三府發賣者倍
其利既許越境販賣乃其心悅誠... 服並無稅重之
訐又經呈詳奉批看得所議鹽稅... 事情商賈疏通軍
餉有賴一舉兩得合遵照欽奉... 勅諭便宜處置事
理仰行各道并該府縣遵奉仍禁... 革奸徒不許乘機
作弊因而瞞官射利擾害地方... 具由繳申今照本院
撫臨理合再行呈請照詳等因據... 呈到臣看得贛南
二府閩廣喉襟盜賊淵藪即今具... 題夾攻不日且將
命下糧餉之費委果缺乏計無所... 措必須仰給他省

但聞廣東以府江之師庫藏漸竭湖廣以偏橋之討
糧貸既多亦皆自給不贍恐無羨餘可推若不請發
內帑未免重科貧民然內帑以營建方新力或不逮
貧民則窮困已極勢難復征及照前項鹽稅商人既
已心服公私又皆兩便庶亦所謂不加賦而財足不
擾民而事辦臣除遵照 勅諭徑自區畫事理批行
該道暫且照議施行候地方平定之日將抽過稅銀
支用過數目另行具奏抽分事宜照例仍舊停止外
緣係地方事理爲此具本題 知
陽明先生別錄卷之一

陽明先生別錄卷之二

奏疏二

議夾剿兵糧疏

正德十二年
七月初五日

准兵部咨該本部題職方清吏司案呈奉本部送兵
科抄出巡撫湖廣地方兼贊理軍務都察院右副都
御史秦金題稱會同巡按御史王度督同都布按三
司掌印署都指揮僉事文恭左布政使周秀鳳副使
惲蕤等議照湖廣郴州等處所屬地方與廣東樂昌
江西上猶等處縣徑賊密邇聯絡彼處有名賊首真
福全高仲仁李斌龐文亮藍友貴等素恃巢穴險固